

Seremoni hynafol ar gyfer Ysgol Bro Gwaun



Cynhaliwyd seremoni i nodi cwblhad strwythurol estyniad gwerth £10.9 miliwn yn Ysgol Bro Gwaun.

Bydd y datblygiad - sydd i'w gwblhau yn yr Hydref - yn cynnwys amgylchedd addysgu a dysgu arloesol ar gyfer 525 o ddisgyblion, rhwng 11 ac 16 mlwydd oed, darpariaeth ar gyfer Addysg Anghenion Arbennig dwyieithog a chyfleusterau cymunedol newydd.

I ddathlu cyrraedd pwynt uchaf y strwythur newydd, cafodd seremoni 'gosod y garreg gopa' ei chynnal gan y contracwyr, BAM Construction Limited, ar ddydd Iau (16 Mawrth).

Esboniodd Justin Price, rheolwr adeiladwaith BAM, fod y seremoni hynafol yn ffordd o nodi cynnydd yn adeiladwaith yr adeilad newydd.



Siaradodd ar do safle'r adeiladau addysgu, sydd tua 5,000 metr sgwâr, ochr yn ochr â changen o goeden ywen wedi ei photio, sydd yn ôl pob sôn yn gwarchod y safle rhag ysbrydion drwg a sicrhau lwc dda i'r dyfodol.

Gwyliodd ymwelwyr - gan gynnwys pedwar o ddisgyblion Ysgol Bro Gwaun - arweinydd Cyngor Sir Penfro, Jamie Adams, yn cael ei gyflwyno â sbaner seremonïol i dynhau'r bolt olaf ar y to.

Dwywedodd y Cynghorydd Adams fod yr adeilad newydd yn brawf pellach o fuddsoddiad parhaol y Cyngor mewn addysg yn Sir Benfro.

Y pedwar disgybl a gynrychiolai'r ysgol, yng nghwmni'r Pennaeth Mrs Nerys Nicholas, oedd: Megan Davies a Leon Delaney o flwyddyn 7, ac o flwyddyn 8, y cyfnitherod Megan a Kerryann Sinnott.

Roedd rhai o'r ymwelwyr eraill yn cynnwys Aelod Cabinet y Cyngor Sir dros Addysg, Cynghorydd David Lloyd, a Chynghorwyr Sir yr ardal: Pat Davies (sydd hefyd yn llywodraethwr yn Ysgol Bro Gwaun), Myles Pepper a Gwilym Price. Roedd cadeirydd y llywodraethwyr, Eifion Griffiths, hefyd yn bresennol.

Mae'r estyniad yn rhan o fuddsoddiad gwerth £14.7 miliwn yn Ysgol Bro Gwaun, sy'n cynnwys dymchwel y rhan fwyaf o'r adeilad ysgol presennol a darparu cyfleusterau chwaraeon newydd.

Mae hefyd yn cynnwys gwaith sy'n gysylltiedig â chadw'r neuadd bresennol, y gampfa a'r cyfleusterau cegin / bwyta.

Mae Ysgol Bro Gwaun yn un o nifer o ysgolion sydd wedi eu hadeiladau, neu'n cael eu hadeiladau, o dan raglen Ysgolion 21^{ain} Ganrif - menter gwerth £120 miliwn rhwng Cyngor Sir Penfro a Llywodraeth Cymru i adeiladau ysgolion newydd.

Fel rhan o'r rhaglen, mae'r Cyngor Sir wedi agor pedair ysgol newydd yn barod ac yn y broses o adeiladau pump arall o gwmpas Sir Benfro.



Capsiynau

Uwch: Ymwelwyr ar do'r estyniad newydd.

Canol: Justin Price (chwith) a'r Cynghorydd Jamie Adams yn y seremoni 'gosod y garreg gopa'.

Islaw: Rhan o'r estyniad newydd.